

Siunnersuummut oqaaseqaatit

## Oqaaseqaatit nalinginnaasut

### 1. Aallaqqaasiut

Utoqqalinersiaqarneq aamma siusinaartumik pensionisiat pillugit Inatsisartut inatsisaasa allanngortinneqarnerannut nr. 9, 20. juni 2022-meersukkut, 1. juli 2022-mi atuutilersinneqartoq, utoqqalinersiat toqqammavíusut aamma siusinaartumik pensionisiat qaffasinnerpaat qaffanneqarnerisigut, utoqqalinersiaqartunut aningaasatigut tigoríannaat annertunerulissasut Naalakkersuisut kissaatigat.

Utoqqalinersiat toqqammavíusut aningaasartaasa aamma siusinaartumik pensionisiat qaffasinnerpaat qaffanneqarmata kinguneraat ineqarnermut tapiissutit pillugit naatsorsuinermi tunngavíusooq qaffanneqarmat taamaalílluni ineqarnermut tapiissutit apparlutik.

Tamanna isumaqarpoq, utoqqalinersiat toqqammavíusut aamma siusinaartumik pensionisiat qaffasinnerpaat qaffanneqarnerisa ineqarnermut tapiissutit annertussusaat maannakkumut tapiissuteqarfíusinnaasut ílaatigut mangiarneqartut.

Taamaattumik inatsimmi allannguinermi matumani siunertaavoq, inatsimmi nr. 9, 20. juni 2022-meersumi akuersissutigineqartumi kingusinnerpaamik allannguut ílanngullugu, tak. kingusinnerpaamik allannguut, utoqqalinersiaqartunut siusinaartumíllu pensionisiaqartunut qaffaanerup tamakkiisumik íluaqutaanissaa, tamannalu naggataatigut siunertaasumik pitsaanerusumik aningaasaqarníkkut soraarnerussutisiaqartunut atugassaqartítsíssalluni. Taamaalílluni Inatsisartut inatsisaat nr. 9, 20. juni 2022-meersoq kingusinnerusukkut allannguuteqartoq naapertorlugu soraarnerussutísíanik qaffaanermi siunertaq tamakkiisumik atorneqalíssaaq.

Tamatuma saníatigut inatsímmik allanngíneq manna tunngavílíssaaq, síuníssami soraarnerussutísíalínnut ílanngaatíp annertussusívia utoqqalinersiaqarneq aamma siusinaartumik pensionisiat pillugit inatsísíni íluarsííssutínik allanngortinneqanngíníssaa, taamaalílluni ísertítanut ílanngaammik naatsorsuinermi ataavartumik íkkunneqarluni, tak. § 5, ímm. 1 naggataa.

### 2. Siunnersuummi ímmíkkoortut píngaarnerít

Inísíani attartortítakkani ineqarnermut tapiíssutínut tunngatíllugu soraarnerussutísíalínnut (utoqqalínsíalínnut síusinaartumíllu pensionísíalínnut) ímmíkíkkut ílanngaataasartooq maannakkut ísertítanut náleqqíullugu píffíssami 1. juli 2022-míit 31. december 2022-mut utoqqalínsíalínnut síusinaartumíllu pensionísíalínnut 4.100 kr-íníit 13.100 kr-ínut aamma 9.660 kr-ínut qaffanneqassapput. Ukíumut 2023-mut ímmíkíkkut ílanngaataasartooq utoqqalínsíalínnut síusinaartumíllu pensionísíalínnut 14.717 kr-ínut aamma 12.579 kr-ínut annertussusílerneqassalluni.

Ukiunut 2024-mut siumullu ilanngaammut aningaasat tassaassapput, ukiup siuliani ilanngaammut aningaasat ukiumi utoqqalinersianut siusinaartumillu pensionisianut iluarsissummik ilallugit.

### **3. Pisortanut aningaasaqarnikkut allaffissornikkullu kingunerisassai**

Utoqqalinersianik siusinaartumillu pensionisianik 1. juli 2022-mi qaffaanerup kinguneranik ineqarnermut tapiissutini kontumi sipaaruteqarneq siunnersuutip atorunnaarsissavaa.

Tamanna aningaasaqarnikkut inuillu agguataarnerisa nikerarnerannit attuumassuteqanngitsumik immikkoortillugu isigineqassaaq.

Tassa imaappoq, ataatsimut isigalugu aningaasartuuteqarneruneq taanna, utoqqalinersiaqarneq pillugu Inatsisartut inatsisaannik aamma siusinaartumik pensionisiat pillugit Inatsisartut inatsisaannik allanngortitsinikkut Inatsisartut inatsisaannik nr. 9, 20. juni 2022-meersup atuutilersinneqartup, utoqqalinersiaqarnermi toqqammaviummik aningaasartaasa aamma siusinaartumik pensionisiat qaffasinnerpaat qaffanneqarnerisa kingunerisaanik sipaaruteqarneq atorunnaarsissavaa.

Aningaasaqarnermut Naligiissitaanermullu Naalakkersuisoqarfik malillugu tamanna ineqarnermut tapiissutinut aningaasaliissutinik allannguuteqanngilaq, aningaasaliissutinummi sunniutaa ima annikitsigisoq allannguinnissamik malitseqartitsisoqartariaqanngitsoq nalilerneqarmat.

Inatsimmik allanngineq kommunit allaffissornerannut kinguneqarnissaa naatsorsuutigineqanngilaq, allannginerit kommunit aningaasartanut tunngatillugu ullumikkut atugaannik qaffaanerummata.

### **4. Inuussutissarsiortunut aningaasaqarnikkut allaffissornikkullu kingunerisassai**

Inuussutissarsiortunut aningaasaqarnikkut allaffissornikkullu kingunerisassaanik soqanngilaq.

### **5. Avatangiisinut, pinngortitamut aamma inuit peqqissuunissaannut kingunerisassai**

Avatangiisinut, pinngortitamut aamma inuit peqqissusaannut kingunerisassaanik soqanngilaq.

### **6. Innuttaasunut kingunerisassai**

Pensionisialinnut ineqarnermut tapiissutinik pisartagaqartunut isumaqassaaq, inatsisip allannguutaata atuutilersinnerani ineqarnermut tapiissutitut aningaasaqarnikkut tigorianaat amerlinerannik. Ineqarnermut tapiissutit annertussusaannut apeqqutaasarpoq qanoq inimut akiliutit annertussuseqarnerisut inoqutigiillu isertitaat. Kisitsisit taakku marluk namminerisamik akiliuteqarnissamut aallaaviussapput, taamaalillunilu utoqqalinersiat siusinaartumillu pensionisiat iluarsissutaannut ineqarnermut tapiissutit qanoq annertutigissanersut apeqqutaajunnaarlutik.

### **7. Allanut pingaarutilinnut kingunerisassai**

Siunnersuut allanut pingaarutilinnut kingunerisassaanik soqanngilaq.

### **8. Tusarniaaneq**

Siunnersuut piffissami ulloq 13. marts 2023-miit ulloq 20. marts 2023-mut tusarniaanermut nittartakkami tamanut saqqummiunneqarpoq [www.naalakkersuisut.gl](http://www.naalakkersuisut.gl) aammalu piffissami tassani tusarniaaffigineqarlutik Avannaata Kommunia, Kommune Kujalleq, Kommune Qeqertalik, Kommuneqarfik Sermersooq kiisalu Qeqqata Kommunea.

Tusarniaanermi akissutit tusarniaanermut allakkiami misissorneqassapput. Ilanngussaq 2-mut innersuussisoqarpoq.

**Siunnersuummi aalajangersakkat ataasiakkaanut oqaaseqaatit***§ 1-imut*

Nr. 1-imut

Utoqqalinersialinnut ineqarnermut tapiissutit naatsorsorneranni isertitanut tunngaviup ilanngaatigineqartussap aningaasartaasa annertussusaat aalajangersakkami allaqqavoq.

Pensionisiat tassaapput, utoqqalinersiallit siusinaartumillu pensionisiallit, innuttaasut utoqqaat, Inatsisartut inatsisaanni nr. 20, 23. november 2015-imeersumi kingusinnerusukkut allannguutai ilanngullugit, kiisalu innuttaasut Inatsisartut inatsisaanni nr. 40, 9. december 2015-imeersumi kingusinnerusukkut allannguutai ilanngullugit, ilaatinneqartut.

Allannguutip aalajangersakkami maannakkut inatsimmi atuuttumi § 1-mi, naggataani, *taamaallaat* aningaasat ilanngaatigineqartussat kisimik kalluarpai, Inatsisartut inatsisaat atuuttoq malillugu 4.100 kr-iusut.

Taamaalilluni Inatsisartut inatsisaat nr. 9, 20. juni 2022-meersoq naapertorlugu utoqqalinersiat siusinaartumillu pensionisiat qaffasinnerpaat qaffanneqarnerisa ineqarnermut tapiissutit amerlassusaannut kinguneqartoq, aningaasaqarnikkut ajortumik sunniuteqarneq iluarsissallugu allannguinerup siunertaraa.

Taamaattumik allannguneq pisooqataavoq ineqarnermut tapiissutit annertussusaannik iluarsissuteqarnissamut, imaalillugu utoqqalinersiat siusinaartumillu pensionisiat allanngortinneqarneri ulloq 1. Juli 2022 sioqqullugu tapiissutit amerlaqataanut iluarsillugit.

Utoqqalinersiaqarneq pillugu Inatsisartut inatsisaat aamma siusinaartumik pensionisiat pillugit Inatsisartut inatsisaat allanngortinnerisa kingulliup kinguneraat utoqqalinersiat toqqammaviusut piffissami 1. juli 2022-miit 31. december 2022-mut ukiumut 74.652 kr-it angullugit annertussuseqalernerat, t.i. inatsimmik allannguinerup tungaanut 1. januaari 2022-mi akigititanut naleqqiullugu qaffaaneq 9.000 kr-it (kaajall. nr. 294, 6. december 2021-meersumi § 5, imm. 1, nr. 1 naleqqiullugu Utoqqalinersiaqarneq pillugu Inatsisartut inatsisaata allanngortinnera aamma Siusinaartumik pensionisiat pillugit Inatsisartut inatsisaata allanngortinnera pillugu Inatsisartut inatsisaat nr.42, xx. xxxx 2023-meersumi § 1 aamma § 3). Tamatuma kingorna utoqqalinersiat toqqammaviusumik aningaasartaat ulloq 1. januar 2023 aallarnerfigalugu ukiumut 76.369 kr-it angullugit annertussuseqarput (Utoqqalinersiaqarneq pillugu Inatsisartut inatsisaata allanngortinnera aamma Siusinaartumik pensionisiat pillugit Inatsisartut inatsisaata allanngortinnera pillugit Inatsisartut inatsisaat nr. 42, xx. xxxx 2023-meersumi § 1 aamma takuuk §3).

Tassa imaappoq, 2023-mut qaffaaneq 1.717 kr-iuvoq.

Utoqqalinersiaqarneq pillugu Inatsisartut inatsisaat nr. 20, 23. november 2015-imeersumi § 11, imm. 1 kingusinnerusukkullu allannguutit naapertorlugit 2024-mut siumullu aningaasartat ukiumoortumik iluarsineqartassapput.

Inatsimmik allannguinerup taassuma kinguneraa siusinaartumik pensionisiat qaffasinnerpaat piffissami 1. juli 2022-miit 31. december 2022-mut ukiumut 126.951 kr-it angullugit annertussuseqalernerat, t.i. inatsimmik allannguinerup tungaanut 1. januaari 2022-mi akigititanut naleqqiullugu qaffaaneq 5.660 kr-it (kaajall. nr. 294, 6. december 2021-meersumi § 6, imm. 1, nr. 1 naleqqiullugu Utoqqalinersiaqarneq pillugu Inatsisartut inatsisaata allanngortinnera aamma Siusinaartumik pensionisiat pillugit Inatsisartut inatsisaata allanngortinnera pillugit Inatsisartut inatsisaat nr. 42, xx. xxxx 2023-meersumi § 1 aamma §3). Tamatuma kingorna siusinaartumik pensionisiat qaffasinnerpaat aningaasartaat ulloq 1. januar 2023 aallarnerfigalugu ukiumut 129.870 kr-it angullugit annertussuseqarput (Utoqqalinersiaqarneq pillugu Inatsisartut inatsisaata allanngortinnera aamma Siusinaartumik pensionisiat pillugit Inatsisartut inatsisaata allanngortinnera pillugit Inatsisartut inatsisaat nr. 42, xx. xxxx 2023-meersumi § 2 aamma takuuk §3).

Tassa imaappoq, 2023-mut qaffaaneq 2.919 kr-iuvoq.

Siusinaartumik pensionisiat pillugit Inatsisartut inatsisaat nr. 40, 9. december 2015-imeersumi § 18, imm. 1, oqaaseqatigiit siulliit kingusinnerusukkullu allannguutit naapertorlugit 2024-mut siumullu aningaasartat ukiumoortumik iluarsineqartassapput.

Utoqqalinersianik siusinaartumillu pensionisianik qaffaanerit ineqarnermut tapiissutit pillugit inatsimmi § 5, imm. 1, naggataanut (Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. december 2015-imeersoq kingusinnerusukkullu allannguutit ilanngullugit) maannakkut atuuttumut naleqqiullugit naatsorsuinerumut isertitanut tunngavigineqartunik qaffaanermut sunneeqataapput. Taamaalillutik ineqarnermut tapiissutit pillugit nalunaarut (Ineqarnermut tapiissutisinissamut appariartuaartitsinissamut killiliussat, aningaasanut killiliussat, akiliutip ilaata agguaqatigiissinnera nammineq akiligassaq kiisalu ineqarnermut tapiissutit aningaasartaasa minnerpaaffissaat annerpaaffissaallu pillugit Namminersorlutik Oqartussat nalunaarutaat nr. 20, 24. november 2017-imeersumi § 8, imm. 2) naapertorlugu appaasoqarluni.

Utoqqalinersiat siusinaartumillu pensionisiat aningaasartaannik qaffaanerit assigiimmik amerlassuseqanngimmata, aningaasartai procentinngorluguluunniit eqqarsaatigalugu, inatsimmik allannguinerumi utoqqalinersiat siusinaartumillu pensionisiat aningaasartai assigiinngisitaassapput erseqqissumillu utoqqalinersianut siusinaartumillu pensionisiat qaffasinnerpaanut tunngassuteqarlutik, pisunut tamanut.

Periaaseq unaavoq, utoqqalinersiat aningaasartaasa ulloq 1. januar 2022 aallarnerfigalugu (65.652 kr-it) aamma 1. juli 2022-mi (74.652 kr-it) atuuttut akornanni assigiinngissutaat, tak. ineqarnermut tapiissutit pillugit inatsimmi § 5, imm. 1, naggataani, ilanngaassutip aningaasartaanik (4.100 kr-it) ilallugit iluarsineqassapput. Inertera tassaavoq, piffissami 1. juli 2022-miit 31. december 2022-mut ilanngaataasussaq, t.i. 13.100 kr-it.

Periaatsip assinga 2023-mut ulloq 1. januar 2023 aallarnerfigalugu atuuttumi ilanngaassutip aningaasartaanut tunngaviussaaq. Utoqqalinersiat aningaasartaasa ulloq 1. juli 2022

aallarnerfigalugu (74.652 kr-it) aamma 1. januar 2023 (76.369 kr-it) atuuttut akornanni assigiinngissutaat ilanngaassutip aningaasartaanik piffissap siuliani atuuttumik, 1. juli 2022-miit 31. december 2022-mut (13.100 kr-inik) ilaneqassapput. Tassa imaappoq, 76.369 kr-iniit 74.652 kr-inik ilanngariarlugit 13.100 kr-inik ilaneqassapput.

Taamaalilluni inernera 14.817 kr-iussaaq.

Periaatsip assinga 2024-mut siumullu atorneqassaaq.

Siusinaartumik pensionisiat qaffasinnerpaanut atatillugu isertitanut ilanngaammut tunngatillugu, utoqqalinersianut periaatsip assinga atuutissaaq.

Siusinaartumik pensionisiat qaffasinnerpaat aningaasartaasa ulloq 1. januar 2022 aallarnerfigalugu (121.291 kr-it) aamma 1. juli 2022-mi (126.951 kr-it) atuuttut akornanni assigiinngissutaat, tak. ineqarnermut tapiissutit pillugit inatsimmi § 5, imm. 1, naggataani, ilanngaassutip aningaasartaanik (4.100 kr-it) ilallugit iluarsineqassapput. Inernera tassaavoq, piffissami 1. juli 2022-miit 31. december 2022-mut ilanngaataasussaaq, t.i. 9.760 kr-it.

Periaatsip assinga 2023-mut ulloq 1. januar 2023 aallarnerfigalugu atuuttumi ilanngaassutip aningaasartaanut tunngaviussaaq. Siusinaartumik pensionisiat qaffasinnerpaanut aningaasartaasa ulloq 1. juli 2022-mi (126.951 kr-it) aamma 1. januar 2023 (129.870 kr-it) atuuttut akornanni assigiinngissutaat ilanngaassutip aningaasartaanik piffissap siuliani atuuttut, 1. juli 2022-miit 31. december 2022-mut (9.760 kr-inik) ilaneqassapput. Tassa imaappoq, 129.870 kr-iniit 126.951 kr-inik ilanngariarlugit 9.760 kr-inik ilaneqassapput.

Taamaalilluni inernera 12.679 kr-iussaaq.

Periaatsip assinga 2024-mut siumullu atorneqassaaq.

### § 2-mut

Inatsisartut inatsisaat saqqummiunneqarnerata aqaguani kingumoortumik atuutilersinneqassaaq.

Siunertaavoq iluarsissuteqarneq piaarnerpaamik pissasoq, utoqqalinersiaqartut siusinaartumillu pensionisiaqartut aningaasaqarnikkut tigorianaasaat pitsanngorniarnannik inerreqartussaaq. Tamatuma saniatigut Inatsisartut inatsisaat piffissamiit utoqqalinersiat siusinaartumillu pensionisiat qaffaaffigineqarnerannit ineqarnermut tapiissutit ilaatigut mangiarneqarneranniit atuutilissaaq.

## Ilanngussaq 1

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertai atuuttut</i>	<i>Inatsisissatut siunnersuut</i>
	<b>§ 1</b> Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. december 2015-imeersoq, Inatsisartut inatsisaatigut nr. 32, 23. november 2017-imeersukkut allanngortinneqartoq, imatut allannguuteqassaaq:
<p><b>§ 5, imm. 1.</b> Inissiani attartortittakkani akiliutinut tapiissutit inigisamut akiliutit annertussusaat, najugaqatigiillu tamakkiisumik isertitarisaat aammalu inissiap pissuserisaa naapertorlugit taamatullu najugaqatigiinni 18-t inorlugit ukioqartut amerlassusaat naapertorlugit aalajangersaavigineqartarput. Pensionisialimmut tunngatillugu taasumap isertitarisaanit 4.100 kr.-nit ilanngaatineqartassapput.</p>	<p><b>1. § 5, imm. 1</b> ima oqaasertalerneqassaaq: ”Inissiani attartortittakkani akiliutinut tapiissutit inigisamut akiliutit annertussusaat, inoqutigiit tamakkiisumik isertitarisaat, inissiap pissuserisaa kiisalu inoqutigiinni 18-it inorlugit ukiullit amerlassusaat tunngavigalugit naatsorsorneqartarput. Piffissami 1. juli 2022-miit 31. december 2022-mut utoqqalinersialimmut maannakkorpiaq isertitanit 13.100,00 kr-it aamma siusinaartumik pensionisialimmut 9.760,00 kr-it ilanngaatineqassapput. Ukiumut 2023-mut utoqqalinersialimmut maannakkorpiaq isertitanit 14.817,00 kr-it aamma siusinaartumik pensionisialimmut 12.679,00 kr-it ilanngaatineqassapput. Ukiumut 2024-mut siumullu utoqqalinersialinnut siusinaartumillu pensionisialinnut ukiormanna iluarsiiissut ukiup siuliani utoqqalinersialinnut siusinaartumillu pensionisialinnut isertitanut ilanngaammik ilallugu tassaassaaq ilanngaatissaaq.”</p>
	<b>§ 2</b>

	Inatsisartut inatsisaat una saqqummiunneqarnerata kingorna aqaguani atuutilissaaq aamma ineqarnermut tapiissutit tunniunneqarnerannut ulloq 1. juli 2022-miit siumullu sunniuteqarluni.
--	---



## **Tusarniaanermut akissuteqaatit**

Tusarniaanermut akissuteqaat tiguneqarpoq:

- Kommuneqarfik Sermersooq-miit

Ataanittoq tusarniaanermut akissuteqaatip, Isumaginnernermut, Suliffeqarfimmut Nunamullu Namminerisamat Naalakkersuisoqarfimmut tunniunneqartup pingaarnersiorneqarnera. Akissuteqaatip ilaarnera ilaatigut aaqqissugaavoq, tassunga ilanngullugu kommunimiit akissuteqaatip naalakkersuisoqarfimmiit oqaaseqatitaata uingasumik allassimavoq.

### **Kommuneqarfik Sermersooq**

Kommuneqarfik Sermersuup ilaatigut eqqaavaa, kommunip nuannaarutigigaa, naalakkersuisoqarfiup kommuuninit akerliliinerit tusaatissatut tigusimammagit, siunnersuutigalugulu ineqarnermut tapiissutimut inatsit aaqqiiffiqineqarnissaa, utoqqalinersialinnut siusinaartumillu pensionisialinnut tapiissutaasoq mangiarneqannginniassamat.

Kommuneqarfik Sermersuup aammattaaq eqqaavaa ”kisitsinerni tamani 100 kr-mik kukkuneqarmat, eqqortoq ilaanngaat 4.100 kr-uvoq, 4.000 kr-unani.”

*Ilanngunneqarpoq.*